

AKT THEMELIMI & STATUT
I SHOQERISE ME PERGJEGJESI TE KUFIZUARA
Cami+Hasa

Me cilësimin e "Ortakut Themelues",

Znj.Irma Cami, atësia Hazis, lindur në Librazhd, në datë 02.04.1975, banuese në Tiranë, madhore, me zotësi të plotë juridike e për të vepruar, identifikuar me anë të letërnjoftim me numer serie 037591577 dhe numër personal H55402144U.

Z.Gentjan Hasa, atësia Xhelo, lindur në Cërrik, në datë 19.03.1974, banues në Tiranë, madhor me zotësi të plotë juridike dhe për të vepruar, identifikuar me letërnjoftimin me numër serie 035536883 dhe numër personal H40319021W.

me vullnet të lirë, të plotë e të singertë dhe iniciativën e lirë private, mbështetur në Kushtetutën e Republikës së Shqipërisë dhe Kodin Civil në fuqi, ligjin Nr.9901, datë 14.04.2008 "Për Tregtarët dhe Shoqëritë Tregtare", ligjin Nr.9723, datë 03.05.2007 "Për Qendrën Kombëtare të Regjistrimit" si dhe në legjislacionin Doganor, Fiskal e Tatimor, krijojnë shoqërinë tregtare me përgjegjësi të kufizuar, si më poshtë:

**Neni
Krijimi**

Shoqëria Cami+Hasa shpk., është person juridik i të drejtës shqiptare, shoqëri me përgjegjësi të kufizuar (më poshtë e quajtur "Shoqëria").

**Neni 2
Personaliteti juridik**

1. Shoqëria Cami+Hasa shpk fiton personalitetin juridik pasi të jetë regjistruar në QKB, në përputhje me kushtet dhe procedurat e parashikuara me ligj.
2. Shoqëria Cami+Hasa shpk., pasi të ketë fituar personalitetin juridik, është përgjegjëse ndaj të tretëve për detyrimet dhe dëmet e shkaktuara gjatë veprimtarisë së saj.
3. Shoqëria Cami+Hasa shpk., është një e tillë, kapitali i së cilës ndahet në kuota dhe që themelohet nga ortakët që përballojnë humbje vetëm deri në kufirin e vlerës së kontributit të tyre në kapitalin themeltar.

**Neni 3
Selia dhe Territori**

1. Shoqëria Cami+Hasa shpk., ka selinë në Tiranë në adresën: Rruga "Besim Alla", pallati DILO, shkalla 5, apt.25, Yzberisht 1051.
2. Shoqëria mund të ndryshojë selinë e saj, të hapë zyra përfaqësie, degë, të krijojë filiale, si brenda ashtu edhe jashtë Republikës së Shqipërisë, vetëm me vendim të Mbledhjes së Asamblesë së Ortakëve.

**Neni 4
Objekti i veprimtarisë**

Objekti i veprimtarisë të shoqërisë Cami+Hasa është si vijon: Shërbime dhe konsulencë ligjore në fusha të ndryshme, kryesisht në fushën e lidhur me Pronësinë Intelektuale; Botime të ndryshme, dmth., artikuj, gazeta, libra, broshura, udhezues, pamflete dhe broshura në fushën e të drejtës të lidhur me Pronësinë Intelektuale; Organizimin i seminareve, workshop-eve, kurseve të trajnimit, si dhe organizimi i webinarëve në fushën e Pronësisë Intelektuale, etj.



Neni 5
Kohëzgjatja


Shoqëria do të zhvillojë aktivitetin e saj për një periudhë kohore të papërcaktuar, duke filluar nga data e regjistrimit në Qendrën Kombëtare të Biznesit (QKB).

Neni 6
Kapitali themeltar

1. Kapitali themeltar i shoqërise është i përbërë nga kontributi në para i ortakëve në vlerën 10,000 (dhjetë mijë) Lekë dhe është i ndarë në 2 (dy) pjese, në mënyrën si më poshtë:
 - a. Znj.Irma Cami - 1 (një) kuotë me vlerë 5,100 (pese mijë e njeqind) Lekë, të barabartë me 51% të kapitalit themeltar;
 - b. Z.Gentjan Hasa - 1 (një) kuote me vlerë 4,900 (katër mijë e nëntë qind) Lekë, të barabartë me 49% të kapitalit themeltar.
2. Kapitali i mësipërm është nënshkruar dhe shlyer tërësisht në të holla nga ortakët e shoqërisë, me vlerë të përgjithshme 10,000 (dhjetë mijë) Lekë, që përbën 100% te kapitalit themeltar të shoqërisë.
3. Ortakët përgjigjen për humbjet e shoqërisë përkundrejt të tretëve deri në vlerën e kontributit të tyre në kapitalin themeltar të shoqërisë.
4. Ortakët, në bazë të kërkesës së organit administrues mund të sjellin para në shoqëri sipas marrëveshjes paraprake të lidhur me tyre. Kjo derdhje mund të bëhet në formën e zmadhimit të kapitalit dhe/ose në formën e financimit të shoqërise. Në rastin e financimit nga ortakët në formë huaje, nuk nevojitet përpjesëshmëria mes shumës së derdhur në shoqëri dhe kuotave të kapitalit që ortakët zotërojnë.

Neni 7
Zmadhimi dhe zvogëlimi i kapitalit

1. Ndryshimi i statutit, zmadhimi dhe zvogëlimi i kapitalit themeltar të shoqërise kryhet sipas vendimit të Asamblese së Përgjithshme të ortakëve, sipas nenit 87 të Ligjit për Tregtarët dhe shoqëritë tregtare, me shumicën prej 80% (tetëdhjetë) të kuotave të kapitalit themeltar të shoqërise.
2. Zvogëlimi i kapitalit realizohet me vendim të Asamblese së Përgjithshme, në të njëjtat kushte që kërkohen për ndryshimin e statutit. Projekti i zvogëlimit të kapitalit u komunikohet ekspertëve kontabël të autorizuar, në rast se ka të tillë, të paktën 45 ditë përpara datës së Mbledhjes së Ortakëve të thirrur për të marrë vendim rreth këtij projekti.
3. Zvogëlimi i kapitalit themeltar në një vlerë më të vogël se ajo e përcaktuar në nenin 6 të këtij statuti, e bën të detyrueshme marrjen e një vendimi prej shoqërisë për zmadhimin e kapitalit themeltar të paktën deri në vlerën minimale. Në të kundërt shoqëria duhet të shndërrohet në një formë tjetër. Në rast moszbatimi të kërkesave të këtij paragrafi, çdo person i interesuar mund të kërkojë në rrugë gjyqësore prishjen e shoqërisë. Kjo prishje nuk mund të shpallet, në qoftë se rregullimi është bërë në ditën kur gjykata mbledhet për të marrë vendim.
4. Përgjegjësia e ortakëve për detyrimet e shoqërise shtrihet deri në vlerën e kontributit të tyre në kapitalin e saj themeltar.
5. Kuotat e kapitalit të shoqërise nuk mund të rëndohen lirisht me barrë siguroese apo të drejta të tjera reale.
6. Secili ortak ushtron të drejtat pasurore të parashikuara nga ligji në proporcion me kuotat e pjesëmarrjes në kapital.
7. Ortakët që nuk marrin pjesë në administrimin e shoqërise kanë të drejtë t'i kërkojnë organit administrativ informacione mbi aktivitetin e shoqërise, si dhe të konsultojnë dokumentet kontabël e dokumentet e tjera që lidhen me administrimin e saj.



Neni 8 Pasuria e Shoqërise

Shoqëria bëhet pronare e pasurisë se luajtshme apo te paluajtshme kur vlera e pasurise mbulohet tëresisht në të holla

Neni 9 Transferimi i kapitalit

1. Kapitali themeltar ose pjesë të tij mund të transferohen lirisht mes ortakëve të shoqërise.
2. Kapitali themeltar i shoqërise ose pjesë të tij mund të transferohen tek persona të tretë vetëm pasi ortakët e shoqërise në përputhje me dispozitat e legjislacionit shqiptar zyrtarisht kanë refuzuar ushtrimin e të drejtës së parablerjes. Transferimi i kapitalit themeltar të shoqërise ose i pjeseve të tij tek persona të tretë behet vetëm në këtë mënyre:
 - a. Oferta për shitje u drejtohet të gjithë ortakëve me shkrim ose mjete elektronike;
 - b. Oferta duhet të përcaktojë numrin e kuotave që shiten dhe çmimin e tyre;
3. Nëse ortakët e shoqërisë brenda 30 (tridhjetë) ditë nga oferta me shkrim (të saktësuar me fletëmarrjen postare) nuk pranojnë blerjen e kuotave të ofruara me çmimin e përcaktuar, atëhere konsiderohet se ata lejojnë shitblerjen tek të tretët.
4. Pjesët e kapitalit themeltar janë lirisht të transferueshme me rrugë trashëgimie. Bashkëshorti, paraardhësit dhe pasardhësit mund të bëhen ortakë nëpërmjet transferimit të pjesëve të kapitalit themeltar sipas kushteve që lejohen në ligj. Kuotat janë lirisht të transferueshme edhe në rast ndarjeje pasurore mes bashkëshortëve. Gjithashtu janë të transferueshme ndërmjet bashkëshortëve, si dhe ndërmjet para-ardhësve dhe pas-ardhësve.
5. Kuotat e kapitalit mund të transferohen në menyrë të lirë përmes dhurimit (falas).
6. Transferimet e pjeseve të kapitalit themeltar duhet të vërtetohen me akt noterial dhe të depozitohen në organin kompetent.
7. **Klauzolë miratimi.** Nëse asnjë ortak nuk do të ushtrojë të drejtën e parablerjes në kohë dhe sipas kushteve të parashikuara për transferimin e kuotave apo të drejtën e opsionit, kalimi i kuotave tek të tretët nuk mund të bëhet pa pëlqimin e Asamblese se Ortakëve. Ortaket mblidhen jo më herët se 30 (tridhjetë) ditë, por jo më vonë se 60 (gjashtëdhjetë) dite, nëpërmjet Asamblese të Zakonshme të Ortakëve, duke vendosur me votën pro (në favor) me të paktën gjysmen e kapitalit themeltar. Pëlqimi mund të refuzohet vetëm kur blerësi nuk jep garanci të mjaftueshme rreth kapaciteteve financiare ose për kushtet objektive si psh për aktivitetin që kryen të tillë që hyrja e tij në shoqëri mund të jenë e dëmshme për arritjen e objektivave të shoqërisë apo për shkak të konflikt me interesat e shoqërisë apo të ortakëve të saj.
Asambleja e Ortakëve duhet të njoftojë me shkrim, në adresën që rezulton, vendimin për miratim. Nëse brenda afatit prej 90 (nëntëdhjetë) ditëve nga marrja e kërkesës për miratim ortaku kërkues nuk ka marrë asnjë komunikim miratimi, miratimi do të konsiderohet si i dhene dhe ortaku mund të transferojë kuotën e tij.
Nëse miratimi i mohohet do të prezantohet një tjetër blerës. Për këtë qëllim, Asambleja e Ortakëve duhet të tregojë në letrën e refuzimit emrin e blerësit të propozuar. Transferimi duhet të plotësohet me të njëjtat kushte të përcaktuara në kërkesën për miratim brenda 90 (nëntëdhjetë) ditëve pas marrjes së komunikimit të fundit.

Neni 10 Konfidentaliteti

Ortakët e shoqërise si dhe personat e tjere të pranuar në shoqëri bien dakord që të mos i ekspozojnë asnjë personi të jashtëm informacionet që do të disponojë shoqëria, kontratat që ajo do të lidhe, çdo lloj materiali, si dhe planet ose qëllimet që ajo shoqëria ka për të ardhmen e saj.



Neni 11

Dokumentet e destinuarat për të tretët

Të gjithë aktet dhe dokumentet që nxirren nga shoqëria dhe të destinuarat për të tretët, si letrat, lajmërimet dhe publikimet e ndryshme etj., duhet të tregojnë lexueshëm emrin e shoqërisë dhe pas tij "Shoqëri me Përgjegjësi të Kufizuar" ose inicialet "shpk, si dhe emrin e administratorit ose të administratorëve.

Neni 12

Organi Vendimmarres

1. Organet drejtuese të shoqërisë do të jenë Asambleja e Ortakëve dhe Administratori. Për efekt të ndryshimeve që mund të pësojë shoqëria në të ardhmen dhe shtimit të numrit të ortakëve, këtu e në vazhdim organit zotërues të kuotave të kapitalit themeltar të shoqërisë do t'i referohemi me termin Asambleja e Ortakëve.
2. Përveç organeve të parashikuara më sipër Asambleja e Ortakëve mund të krijojë edhe organe të tjera drejtuese, duke përcaktuar kohëzgjatjen dhe kompetencat e tyre.
3. Administrator i shoqërisë për një periudhë 5 (pesë) vjeçare nga data e regjistrimit është **Z. Gentjan Hasa**

Neni 13

Vendimet e Asamblese

1. Asambleja e Ortakëve vendos për çështjet që ligji apo ky statut i rezervon këtij organi, si dhe për çështjet për të cilat organi administrativ kërkon mendimin apo miratimin e ortakëve.
2. **KUORUMI:** Në rastin e marrjes së vendimeve që kërkojnë një shumicë të zakonshme, Asambleja e Përgjithshme mund të marrë vendime të vlefshme vetëm nëse marrin pjesë ortakët me të drejtë vote që zotërojnë më shumë se 30% të kuotave. Në rastin kur Asambleja e Përgjithshme duhet të vendosë për çështje të cilat kërkojnë shumicë të kualifikuar, sipas nenit 87 të Ligjit nr.9901 "Per tregtarët dhe shoqëritë tregtare", ajo mund të marrë vendime të vlefshme vetëm nëse ortakët që zotërojnë më shumë se gjysmën e numrit total të votave janë të pranishëm personalisht, votojnë me shkresë, apo mjete elektronike. Nëse Asambleja e Përgjithshme nuk mund të mbledhet për shkak të mungesës së kuoromit të përmendur më lart, asambleja mbledhet përsëri jo më vonë se 30 ditë me të njëjtin rend dite.
3. **VENDIMMARRJA:** Asambleja e Përgjithshme vendos me shumicë të thjeshtë të votave të ortakëve pjesëmarrës, siç përcaktohet në pikën 1 të nenit 86 të ligjit Nr.9901. Për ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë zbatohet neni 87 i ligjit të siperpërmendur dhe me 80% të kuotave të kapitalit. Çdo ortak ka të drejtën e një vote për çdo kuotë të kapitalit themeltar të shoqërisë që ai zotëron. Një ortak mund të përfaqësohet në mbledhjen e asamblese nga një ortak tjetër apo person i tretë, nëpërmjet një akti përfaqësimi me shkrim.

Neni 14

Kompetencat e Asamblese se Ortakëve

1. Asambleja e Ortakëve mund të jetë e zakonshme dhe e jashtëzakonshme, kjo në varesi të çështjes për të cilën është thirrur.
2. Vendimet e Asamblesë së Zakonshme të Ortakëve merren me shumicë të thjeshtë të votave të ortakëve. Vendimet e Asamblesë së Jashtëzakonshme të Ortakëve merren me një shumicë të cilësuar prej 80% të kuotave të ortakëve të shoqërisë. Për çfarë nuk është pasqyruar në këtë nen, Asambleja e Ortakëve të Shoqërisë vendos në përputhje me ligjin Nr. 9901, date 14.04.2008.

3. Kompetencat e Asamblese se Zakonshme te Ortakeve janë:
 - a. Vendos për përpilimin ose miratimin e rregulloreve për shoqerine apo për fusha të veçanta të veprimtarisë;
 - b. Vendos për ndryshimin e selisë së shoqërisë;
 - c. Vendos për krijimin e zyrave ose të përfaqësive si dhe krijon marrëdhënie bashkëpunimi me persona të tjere fizikë apo juridikë;
 - d. Vendos për politikat e biznesit të shoqërisë dhe përcakton fushat konkrete të veprimtarisë së saj;
 - e. Emëron Administratorin, Ekspertin Kontabel, Likujdatori e shoqërisë dhe përcakton kompetencat e tyre, të drejtat e detyrimit, kohëzgjatjen në detyre, si dhe shpërblimin e tyre;
 - f. Shkarkon Administratorin, Ekspertin Kontabel, Likujdatori e shoqërisë;
 - g. Vendos në lidhje me krijimin e organeve të tjera drejtuese që mund t'i nevojiten shoqërisë duke përcaktuar në aktet e krijimit të këtyre organeve, kohëzgjatjen dhe kompetencat e tyre.
4. Asambleja e Zakonshme e Ortakeve nuk delegon vendimarrjet tek asnjë organ tjetër.
5. Asambleja e Zakonshme e Ortakeve vendos gjithashtu në lidhje me krijimin e sektoreve të veçanta të veprimtarisë së shoqërisë dhe për çështje të tjera lidhur me:
 - h. Shqyrtimin dhe miratimin e bilancin vjetor;
 - i. Miratimin e tarifave të shërbimeve të shoqërisë;
 - j. Miratimin e pagave të punësuarve në shoqëri.
6. Kompetencat e Asamblese se Jashtezakonshme të Ortakeve jane si më poshtë:
 - a. Vendos në lidhje me zmadhimin dhe zvogëlimin e kapitalit themeltar të shoqërisë;
 - b. Vendos në lidhje me kohëzgjatjen e shoqërisë si dhe për mbarimin e likuidimit e saj;
 - c. Vendos për ndryshimin e emrit të shoqërisë;
 - d. Vendos në lidhje me ndryshimin e statutit të shoqërisë;
 - e. Vendos për ndryshimin e formës, për ndarjen e shoqërisë si dhe për bashkimin e saj me shoqëri të tjera;
 - f. Përcakton llojin e fondeve të ndryshme dhe masen e tyre, përcaktimin e dividendit, marrjen dhe dhenien e huave, kredive, borxheve;
 - g. Realizon marrëdhëniet më të rëndësishme ekonomike dhe financiare të shoqërisë me persona të tjerë fizik apo juridik, vendas apo te huaj;
 - h. Vendos në lidhje me transferimin e pjesëve të kapitalit themeltar të shoqërisë.
7. Përveç kompetencave të lartpërmendura, të cilat janë ekskluzive për të, Asambleja e Jashtëzakonshme e Ortakeve ushtron çdo kompetence që ia njej ligji.
8. Asambleja e Jashtëzakonshme e Ortakeve, në rastet kur nuk ka emëruar Administrator, kryen dhe kompetencat që në këtë Statut janë përcaktuar për këtë të fundit. Gjithashtu, ajo mund të kufizojë Administratorin në ushtrimin e kompetencave të tij.

Neni 15

1. Asambleja e Përgjithshme mbledhet sa herë që mbledhja është e nevojshme për të mbrojtur interesat e shoqërisë.
2. Mbledhja e Asamblesë së Përgjithshme thirret të paktën një herë në vit.
3. Mbledhja e Asamblesë së Përgjithshme thirret nga administratori/Administratorët apo ortakët që përfaqësojnë të paktën 5% të totalit të votave në Asamblenë e Përgjithshme.
4. Asambleja e Përgjithshme thirret nëse:
 - a. Sipas bilancit vjetor apo raporteve të ndërmjetme financiare, rezulton ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim;
 - b. Konstatohet se ortakët që kanë patur detyrime ndaj shoqërisë nuk i kanë realizuar ato sipas marrëveshjes paraprake të lidhur midis tyre;
 - c. Shoqëria propozon të shesë apo të disponojë në mënyrë tjetër aktive, të cilat kanë një vlerë më të lartë se 5 për qind të aseteve të shoqërisë, që rezulton në pasqyrat e fundit




- financiare të certifikuara;
- d. Shoqëria, brenda 2 viteve të para pas regjistrimit të saj, propozon të blejë nga një ortak pasuri që kanë vlerë më të lartë se 5 për qind të aseteve të shoqërisë që rezulton në pasqyrat e fundit financiare të certifikuara;
 - e. Në cdo rast tjetër që e kërkojnë ortakët që zotërojnë të paktën 10 % të kuotave të kapitalit.
5. Ortakët vendosin mbi temat që ligji dhe statuti i japin të drejtën të vendosin. Vendimet e ortakëve mund të merren nëpërmjet:
- a) vendimeve të Asamblesë së Përgjithshme në mbledhje të zakonshme;
 - b) këshillimit me shkrim
6. Procedura për marrjen e vendimit nëpërmjet këshillimit të shkruar, rregullohet si në vijim:
- a) Njëri nga ortakët apo administratori u komunikon të gjithë Ortakëve dhe të gjithë Administratorëve që nuk janë ortakë tekstin e vendimit që propozohet të merret, duke fiksuar një afat jo më të shkurtër se 5 ditë brenda të cilit secili prej Ortakëve mund t'i komunikojë shoqërisë miratimin, abstenimin apo votën kundër. Në rast se afati i caktuar është plotësuar dhe Ortaku nuk është shprehur, miratimi konsiderohet se nuk është dhënë.
 - b) Nga dokumentet duhet të duken me qartësi argumentet që janë objekt i vendimit dhe miratimi i tyre.
 - c) Komunikimet e parashikuara nga pikat a) dhe b) të këtij paragrafi mund të bëhen nëpërmjet çdo mjeti komunikimi që provon nisjen dhe marrjen e komunikimit, duke përfshirë këtu postën elektronike. Në rastin e fundit, transmetimet ndaj Ortakëve duhen bërë në adresën e postës elektronike që është komunikuar në mënyrë të qartë nga vetë Ortakët.

Neni 16 Ndryshimet e Statutit

1. Ndryshimet e statutit vendosen nga Mbledhja e Asamblese se Ortakeve, sic parashkohet me siper.
2. Çdo ndryshim statuti duhet të depozitohet pranë QKB për të pasqyruar ndryshimet në skedën e shoqërisë.

Neni 17 Administrimi


1. Administrator i shoqërisë do të jetë z.Gentjan Hasa, i cili emërohet për në afat 5 vjecar.
2. Administratori emërohet dhe shkarkohet me vendim të Mbledhjes se Asamblesë së shoqërisë.

Neni 18 Kompetencat

1. Administratori ka të gjitha kompetencat për të vepruar në marrëdhënie me të tretët në emër të shoqërisë, në të gjitha rrethanat me përjashtim të kompetencave që ligji ia jep shprehimisht ortakut të shoqërisë.
2. Administratori angazhon shoqërinë në marrëdhëniet me të tretët nëpërmjet akteve që janë në përputhje me objektin e saj.
3. Shoqëria nuk merr përsipër pasojat ndaj të tretëve kur ajo provon se të tretët e dinin që akti i administratorit e kalonte objektin e shoqërisë ose kur të tretët nuk mund ta injoronin këtë akt në rrethanat e dhëna, duke patur parasysh faktin se vetëm shpallja e statutit nuk është provë e mjaftueshme.
4. Administratori ka te drejte te emëroje perfaqesues në emer të tij, vendas apo te huaj.

Neni 19 Përgjegjësitë

1. Administratori është përgjegjës individualisht ndaj shoqërisë ose ndaj të tretëve, për shkelje



- të ligjeve, për shkelje të statutit, apo për faje të kryera gjatë administrimit të shoqërisë.
2. Pasojat e marrëveshjeve të pamiratuara nga ortakët e shoqërisë që i sjellin dëm shoqërisë, i ngarkohen personalisht administratorit që ka bërë marrëveshjen.
 3. Përveç padisë për shlyerjen e dëmit që i ngarkohet personalisht administratorit, ortakët kanë të drejtë të ngrenë padi penale kundër administratorit. Ortakët kanë të drejtë të ndjekin në rrugë ligjore shlyerjen e plotë të dëmit që i është shkaktuar shoqërisë, përfshirë edhe dëmshpërblimin financiar, nëse është e nevojshme.
 4. Ortaku që nuk është administrator, ka të drejtë në çdo kohë të informohet personalisht për veprimtarinë e shoqërisë dhe të njihet me llogaritë dhe dokumentet e shoqërisë.

Neni 20

Viti Financiar

Viti financiar i Shoqërisë fillon me 1 Janar dhe përfundon me 31 Dhjetor. Përfundimisht, viti i parë financiar fillon nga data e regjistrimit të shoqërisë në QKB dhe mbyllet me 31 Dhjetor.

Neni 21

Bilanci i shoqërisë dhe dividendët

1. Brenda 6 muajsh nga mbyllja e vitit financiar Mbledhja e Asamblese miraton bilancin e paraqitur nga Administratori.
2. Mbledhja e Asamblese vendos rreth shpërndarjes së dividendit, pasi të jenë zbritur edhe humbjet e vitit të mëparshëm financiar, siç edhe parashikohet nga ligji.

Neni 22

Ekspertet

1. Eksperti ka për detyrë që të kontrollojë të gjithë dokumentacionin kontabël të veprimtarisë ekonomiko-tregtare të shoqërisë, atë vjetor dhe atë në lidhje me kontrollet periodike të kërkuara nga njëri prej ortakëve.
2. Në përfundim të kontrollit, eksperti kontabël i autorizuar përgatit raportin me shkrim për nxjerrjen e rezultatit të bilancit financiar vjetor, si dhe atë për kontrollet periodike të ushtruara.

Neni 23

Bilanci Kontabël

Bilanci Kontabël vjetor miratohet mbi bazën e vendimit me shkrim nga Asambleja e Zakonshme e Ortakëve, e cila gjithashtu vendos në lidhje me disponibilitetin e fondeve ligjore sipas nevojave të zhvillimit të mëtejshëm të shoqërisë dhe garantimin e veprimtarisë së rregullt të saj, duke pasur parasysh fondin e akumulimit, krijimin e fondit të veçantë, etj.

Neni 24

Të ardhurat neto (Dividenti) që mbeten pas zbritjes së fondeve ligjore të mësipërme dhe të atyre për shlyerjen e cdo detyrimi fiskal apo likuidimit të pagesave ndaj të treta kalojnë në pronësi të ortakëve të shoqërisë.

Neni 25

1. Shpërndarja ose prishja e shoqërisë mund të bëhet në cdo kohë dhe për çfarëdo shkak, edhe para plotësimit të afatit për të cilën është krijuar, që mund të jenë:
 - a. Humbja e kapitalit ose pamundësia e vazhdimit të mëtejshëm të veprimtarisë së saj;
 - b. Në një nga mënyrat e parashikuara nga ligji "Për Falimentimin e Shoqërive Tregtare";
 - c. Kur plotësohet afati i caktuar për ushtrimin e veprimtarisë tregtare.
2. Në këtë rast merret vendim me shkrim në të cilin parashikohet mënyra e likuidimit të shoqërisë, duke caktuar një apo disa likuidatore dhe shënuar në cdo dokument të nxjerrë emrin e likuidatorit dhe emërtesën shtesë "Shoqëri ne likuidim e sipër".

Neni 26



Bashkimi dhe ndarja

1. Shoqëria me anë të bashkimit mund t'ja kalojë trashëgiminë e saj një shoqërie ekzistuese ose një shoqërie të re që ajo themelon.
2. Shoqëria, gjithashtu, me anë të ndarjes mund t'ja kalojë trashëgiminë e saj disa shoqërive të tjera ekzistuese ose disa shoqërive të reja.
3. Operacionet e përmendura më lart mund të realizohen ndërmjet shoqërive të formave të ndryshme.
4. Bashkimi ose ndarja sjell prishjen pa likuidim të shoqërise që zhduket, dhe kalimin e plotë të trashëgimisë së saj tek shoqëritë përfituese, në gjendjen në të cilën ndodhet kjo trashëgimi në datën e realizimit përfundimtar të operacionit. Bashkimi ose ndarja sjell njëkohësisht për ortakët e shoqërive që zhduken marrjen e cilësisë së ortakëve të shoqërive përfituese sipas kushteve të përcaktuara në kontratën e bashkimit ose ndarjes.

Neni 27

Afati i emërimit të likuidatorit publikohet sipas kushteve që parashikon ligji përkatës duke specifikuar dhe dokumentat që duhen depozituar në QKB

Neni 28

Likuidatori është i detyruar që të jetë i vëmendshëm dhe korrekt, si për realizimin e të drejtave për subjektet ndaj të cilëve shoqëria është kreditore, ashtu dhe për ekzekutimin e detyrimeve (debive) që shoqëria ka ndaj shtetit, shtetasve të veçantë apo personave fizik apo juridik vendas apo të huaj.

Neni 29

Baza Ligjore

1. Shoqëria zhvillon aktivitetin e saj në përputhje të plotë me këtë Statut dhe dispozitat e legjislacionit shqiptar.
2. Për sa nuk parashikohet në këtë statut, do të zbatohen dispozitat e ligjit Nr.9901, date 14.04.2008 "Për Tregtarët dhe Shoqëritë Tregtare", ligji për QKB, Kodit Civil dhe çfarëdo ligji tjetër specifik në Republikën e Shqipërisë.

Neni 30


Mosmarrëveshjet

Për mosmarrëveshjet që mund të lindin në lidhje me zbatimin apo interpretimin e këtij Statuti, si dhe për çdo mosmarrëveshje që mund të lindë midis shoqërisë dhe të tretëve do të jetë kompetente Gjykata e Rrethit Gjyqesor Tirane.

Tiranë më, 01.10.2022

Ortakët themelues

Irma Cami



Gentjan Hasa

